

**Tuniniaanissamik nittarsaassisarneq aamma
nalunaaqutsersuisarneq pillugu Inatsisartut
Inatsisaata allanngortinnejarnissaa pillugu
Inatsisartut Inatsisaata allanngortinnissaa pillugu
Inatsisartut inatsisaat
(Nioqqutissat akiinut paasissutissat, akinut aamma
fakturamut tunngasunik paasissutissat,
pisinnaatitsissut akinut fakturamullu paasissutissanut
immikkut malittarisassiorsinnaanermut,
isumaqatigiissutini ingerlasuni akitsuutinik
allanguisinnaanerit, Atuisartoqarnermut
Unammilleqatigiinnermullu Aqtsisoqarfip
arlaannaannulluunniit attuumassuteqanngitsumik
nakkutilliisarnera aamma nakkutilliinermi
pisinnaatitaaffi, kiisalu iliuuserineqartunut
kinguneqartitsisarnerit aaqqissuunneqarnissaannut
aalajangersakkat)**

§ 1

Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaanni nr. 39, 9. december 2015-imeersumi nittarsaassinermi inatsit, imaattunik allannguteqartitsisoqassaaq:

1. § 17 imatut oqaasertalerneqassaaq:

" § 17. Inuussutissarsiutitut nioqqutissanik atuisartunut tuniniaanermi nalunaaqutsersuinerni, allagartalersuisarnerni imaluunniit allatut iliorluni ersarissumik ilisimatitsissutigineqartassaaq nioqqutissamut neqeroorutigineqartumut imaluunniit nioqqutissaqtiginnut ataatsimut akiusoq, akitsuutit ilanngutereerlugit, aningaasartuutit aamma akileraarutit. Nioqqutissanik elektroniskiusumik atuisartunit allatsinneqarsinnaasunik neqerooruteqarnerni, assigisaanik oqaaseqatigiit siulliit

atutissapput.

Imm. 2. Inuutissarsiutut tuniniakkanik aningalersuinerunngitsumik aalajangersimasumiit pisiniarfimmiiit atuisunut kiffartuussinerit, kiisalu kiffartuussineq elektronikkikkut atuisartunut tuniniarneqarpat imissutiginissaanut periarfissaqarluni imm. 1, 1. Oqaaseqatigiinni siulleq, assiganik atorneqassaaq siumut katillugu akimik aalajangiisoqarsimappat tassunga pineqartumut kiffartuussinermut. Tamakkiisumik akimik aalajangiinissaq periarfissaanngippat tuniniakkat kiffartuussinerit annertussuseqarnerat pissutaalluni, taamaasilluni akia aalajangiunneqassaaq naleqquttumik toqqarlukkatullu.

Imm. 3. Siumoortumik kiffartuussinermut aalajangersimasumik akiusussamik aalajangersaafforeersimannngitsuni inuussutissarsiummik ingerlatsisup atuisartup piumasaqarneratigut isumaqatigiissuteqannginnermi ilisimatitsissutigissavai:

- 1) kiffartuussinermut pineqartumut akiusussaaq ataatsimoortoq,
- 2) akimik naatsorsuussinermut periuseq, akia eqqorlugu oqaatigineqarsinnaanngippat, taamaasillunilu akia atuisartumiit misileqqinnejarsinnaalluni, imaluunniit
- 3) missingersuusiaq naammattunik immikkualuttortalikkamik suliaasoq.

Imm. 4. Atuisartoq imm. 3 malillugu allaganngorlugu piumasaqarluni saqqummiippat, inuussutissarsiortoq allaganngorlugu paassisutissanik tunniussissaq, atuisartoq ersarissumik allatut piumasaqarsimannngippat.

Imm. 5. Aningaasarsiornermut tunngasuunngitsumik kiffartuussineq akiligassiissuteqarluni suliarineqareerpat, atuisartoq akiligassiissummik immikkualuttortalersukkamik tigusaqassaaq, periarfissaqartitsisussamik taassuma nioqqutip kiffartuussinermi tunniunneqartup akianik nakkutiginnissinnaanissaanik. Atuisartoq paassisutissinneqassaaq nal. akunneranut akigitinneqartumik, akunnernik atorneqartunik aamma atortulersuutinik qanoq ittunik kiffartuussinerup akianut sunniuteqartunik atusoqarsimaneranik.

Imm. 6. Inuussutissarsiortup tamakkiisumik imaluunniit ilaannakuusumik paassisutissat imm. 5-imieqqaaneqartut taarsersinnaavai paassisutissanik allanik, tamanna pippat atuisumut isumaqatigiissuteqarnikkut, imaluunniit suliassaqarfimm ingerlatsiviusumi tassani ileqquusut tamanna kingunerippassuk.

Imm. 7. Inuussutissarsiortoq atuisartup piumasaqarneratigut ilassutitut paassisutissiissaq, atuisartumik periarfissaqartitsilertussamik nioqqutit tunineqartut akiinik nakkutiliilluni paasiniaasinnaanermik.

Qinnutiginninneq piffissap naammaginartup iluani saqqummiunneqassaaq.

Imm. 8. Ussassaarisarnermi taaguutit, assersuutigalugu "Neqeroorutit", "Ussassaarinermi akigititaq" imaluunniit "Akikilliliineq", taamaallaat atorneqarsinnaapput eqqortumik atorneqarlutik piviusunik imaqarunik. Ussassaaraluni oqariaaseq atorneqartoq akiusunik appaasoqarneranik paasineqarsinnaappat, taava ussassaarineq sioqqullugu akiusimasoq imaluunniit akimik appaanerup annertussusia ussassaarummi imaluunniit allagartaliussami nalunaarneqartassapput.

Imm. 9. Naalakkersuisut maleruagassiorsinnaapput makkununnga:

- 1) immikkut ittumik maleruagassanik imm. 1-7-imik sanioqqutisisinnaanernut, tamatumani aamma akiligassarsinermut atatillugu atugassarititaasunut paassisutissanik,
- 2) akiusunut tunngasunik paassisutissiisarnermut periausissanik, aamma paassisutissat tunniunneqartut annertussusissaannut, aamma
- 3) imm. 1-imisulli periaaseqarluni paassisutissiisoqartassasoq nioqqutip akianik aamma nioqqutip

uuttuutini aalajangersimasuni akianik, aammalu uuttuutit nioqutissaqatigiinnut ataasiakkaanut atorneqartussat pillugit."

2. § 18 -imi ikkunneqassapput imm. 3-5-itut:

"*Imm. 3. Annertussusissaq imaluunniit akiligassiissutissaq akitsuut isumaqatigiissutaasumik atsiukkami ingerlaavartumi taamaallaat atuisartumut nammatassatut allangortinnejarsinnaavoq tamatumunnga tunngaviusut atugassarititaasut isumaqatigiissummi atsiukkami erseqqissarnejqarsimappata. Tamannali atuutinngilaq akitsuutinut inatsisitigut aaqqissuussaasunut.*

Imm. 4. Allannguineq akitsummik imaluunniit akiligassiissummik atsiukkatut isumaqatigiissutaasumi ingerlasumi, siumoortumik ilisimatitsissutigineqarsimassaqq naapertuuttumik piffissaliilluni, atuisartumut atortuulinnginnerminni.

Imm. 5. Akitsummik allannguineq annertuppat, imaluunniit akitsummik allamik nutaamik akiligassiissuteqartoqarp, siumoortumik atuisartumut ilisimatitsisoqassaaq atuisartut ataasiakkaarlugit allakkatigut attaveqarfinginerisigut, allannguutip atortuulinnginnerani. Atuisartoq isumaqatigiissummik atorunnaarsitsisinnaanermut pisinnaatitaappat, tamanna siumoortumik atuisartumut ilisimatitsissummi ersissaaq, soorluttaaq aamma ersissasoq atugassarititaasut qanoq ittut iluanni atuisartup isumaqatigiissut atorunnaarsissinnaaneraa.

3. § 21 imatut oqaasertalerneqassaaq:

"**§ 21.** Ussassaarinikkut imaluunniit aningaasarsiornermut tunngasuunngitsumik kiffartuussineq pillugu allatut nioqutip akianik atuisartunut ilisimatitsisoqarp, paassisutissat pineqartut piumasaqaatinik § 17, imm. 1 imaluunniit imm. 3, nr. 1-3, § 17, imm. 8, § 19 kiisalu aamma aalajangersakkanik § 16, imm. 1, aamma § 17, imm. 9 -mik naammassinnituussapput."

4. § 24 imatut oqaasertalerneqassaaq:

"**§ 24.** Imm. 2-mi aamma 3-mi ilaatinneqartussaanngitsutut taaneqartut atuutsillugit Atuisartoqarnermut Unammilleqatigiinnermullu Aqutsisoqarfik Inatsisartut Inatsisaanni matumani aalajangersagaasunik unioqquitsisoqannginnissaanik nakkutilliisussaavoq. Atuisartoqarnermut Unammilleqatigiinnermullu Aqutsisoqarfik nakkutilliinermik suliaqarnermini arlaannaanulluunniit atasuussanngilaq.

Imm. 2. Naalakkersuisut imaluunniit tamatumunnga piginnaatinneqartoq nakkutilliisuussaaq aalajangersakkat § 16, imm. 2 naapertorlugu suliasut unioqquitinneqannginnissaannik.

Imm. 3. Naalakkersuisut imaluunniit taanna Naalakkersuisut Uumasut Nakorsaqarfik Oqartussaaffittut toqqarsimasaata nakkutigissavaa inatsisinik § 16, imm. 1. naapertorlugu inerteqqutigineqartunik unioqquitsisoqannginnissaa.

Imm. 4. Atuisartoqarnermut Unammilleqatigiinnermullu Aqutsisoqarfip piumasarisinnaavaa paassisutissat pisariallit Inatsisartut Inatsisaanik unioqquitsisoqarsimanersoq aalajangiunniarlugu tunniussisoqarnissaa, aammalu iluameersumik kinaassutsimik upternarsaammik takutitsinikkut killilersugaanngitsumik aammalu akornuserneqanngitsumik pisiniarfip ammanerani pisiniartut pisiniartarfiannut isersinnaassalluni.

Imm. 5. Naalakkersuisut imaluunniit taanna Naalakkersuisut Uumasut Nakorsaqarfik Oqartussaaffittut toqqarsimasaata piumasarisinnaavaa paassisutissat pisariallit inatsisinik § 16, imm. 1. naapertorlugu inerteqqutigineqartunik unioqquitsisoqarsimanersoq aalajangiunniarlugu tunniussisoqarnissaa, aammalu

iluameersumik kinaassutsimik uppernarsaammik takutitsinikkut killilersugaanngitsumik aammalu akornuserneqanngitsumik pisiniarfiup ammanerani pisiniartut pisiniartarfiannut isersinnaassalluni.”

5. § 39, imm. 1, imatut oqaasertalerneqassaaq:

” **§ 39.** Pineqaatissiisutit akiliisitaasussangortitaanerit pisinnaapput, makkuninnga:

- 1) Unioqqutitsinerni § 3, imm. 1-2, § 4, § 6, imm. 1, 3 aamma 6, § 9, imm. 2-3, § 11, § 12, § 18, imm. 5, aamma § 23-mik.
- 2) Piaaraluni § 22-mik unioqqutitsinermi.
- 3) Ussassaarutinik assingusunik atuinermi, tak. § 5, imm. 1, eqqortinnagit aalajangersakkat § 5, imm. 2-miittut.
- 4) § 10-mut akerliusumik ussassaarinermik ingerlatsinikkut.
- 5) § 14, imm. 1 aamma 2-mut akerliusumik atuisartunut pisinissamik kaammattuinikkut.
- 6) Peqqussutaasunik § 15, imm. 2 aamma 3, § 17, imm. 1-2, 5 aamma 7-8, § 19 imaluunniit § 21 -imiittunik ilisimatitsissuteqannginnikkut.
- 7) Paasissutissanik ilisimatitsinnginnikkut imaluunniit isersinnaatitsinikkut § 24, imm. 4-5 naapertorlugit, imaluunniit pissutsini Inatsisartut Inatsisaannut ilaasuni pisortani oqartussanut eqqunngitsunik imaluunniit salloqittaalluni nalunaaruteqarnikkut.
- 8) § 38 naapertorlugu eqqartuussivimmit inerteqqutaasunik ilaginnaanikkut.”

§ 2

Inatsisartut Inatsisaat atortuulerpoq ulloq 1. januar 2021.

Namminersorlutik Oqartussat, ulloq 19. november 2020

Kim Kielsen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut